


www.BibleForChildren.org



Génesis 6




Va tsu Noéne condase'cho:
Noéjan ño'an a'isi poiya'cco
tise cansuite'su aindeccu'suma
tise'veyi tsu Chigaja in'jan.
Nane tiseja Chigama ñotsse
pañamba canse. Poi aindeccu

tsa'caen egae
tsincomba
osha'choma
daño'jensi
attepa Chigaja ...




... Noéma su: "Asi'ttaemba gi in'jan poi
aindeccuma fi'tti sefaeñe. Tise'paja egae
tsincomba poi andeni jacamba fi'ttipa
daño'fa. Ñoa'me gi tise'pama
fi'tti sefaemba pa'cco
andema'qqe sefaeña."




"Ñotssia congo'masia quini'ccoma
shavoñajan rande tsa'o shavove.
Tsain'bitssi cuartove ñoñajan.

Toya'caen naccuma,
sepaccoma'qqe ccoqqui'ccu
ñotsse ccoqquijan."



Qquen tsu ñoñaña'cho
randeve: Bia'suve
ciento treinta y
cinco metro.

Attaja'suve
veinte tres
metro. Sefa'suve
catorce metro.



"Toya'caen osha'cho
anqqe'suve'qqe tsu
boñamba angaya'cho
cuintsu que'i toya'caen
canse'pa jinchoqqe'
su'qqe an'jeña'chove."




Toya'caen tsu rande tsa'o shavonga poiya'cco
cansepa jacaqqe'suma fae quitsa'ye, fae pushema
angaya'cho. Nane tsendeccu'qqe
que'ia'caeñi tsu ccusha'faya.




Poi anqque'su vaura, oveja'can'ma'qqe siete
quitsa'ye, siete pusheveyi poiyi'cco'suma
ca'niajan. Tsa'ma an'masia'ma aquia
fae quitsa'ye, fae pusheveyi
poiyi'cco'suma ca'niaña'cho.






Na'en tsa'caen andenga
bo'iave ji'jeni Noéjan

seisciento
canqque'
fave an'biamba
shavonga ca'ni.
Tise pushe, tise
dutssiyendeccu, tise'pa
pushendeccu'qque tsu
poi'yi'cco Noéi'ccu fae'ngae
ca'ni'fa na'eñe ccushaye.



Nane Noéjan seisciento
canqque'fave an'biansi segundo
ccovu, a'ta diez y sieteni tsu pa'cco
ande'su tsa'ccu sombo'je'ttija fettaye
cuintsu ande tsosini'su tsa'ccu somboye.
Toya'caen sefacconi'qqe fettayeqquia'caen
tsu sefacconi'su tsa'ccu amppi.





Nane cuarenta a'ta, cuarenta
cose'qqe tsu tsa'caen tui'je.




Ti'tsse, ti'tsse tsu
tsa'ccuja ji. Tsa'ma
tsa'o shavoja
ombanga sufotto.




Nane tsa'ccu jipa pa'cco biani'su ande'su
se'fatssia ccotta'ccoma'qqe picco. Pa'cco
va andeni cansian jincho'cho tsu pa'fa.




Tsomba tse'i Chigaja Noé, poi'yi'cco
tisei'ccu tsa'o shavoni can'jen'cho
cansian jincho'choma'qqe injan'jemba
fingiama mandamoen cuintsu andema
samboeñe. Fingiansi na'enjan
sambaye ashaen.







Omboe ppuppuju' choma
fettamaña, na'en
sambaji' chove atesuye.



Segundo ccovu, a'ta veinte y sieteni tsu pa'cco
andeja samba. Tsonsi Chigaja Noéma su: "Tsa'o
shavo'ye sombo'faja que pushei'ccu, que
dutssiyendeccu'qque tise'pa
pushendeccui'ccu."



Tsonsi Noéjan
Na'su Chiganga
afeye oque'je'chove
ccutsiamba osha'cho
anqqe'su vaura,
oveja'can'ma,
osha'cho anqqe'su
chhiririana'qqe
isupa oquepa Na'su
Chiganga afe.



Uttufasima
gi canjaeña
unjimbanga
cuintsu que'i attepa
Ña que'i'ccu ja'ño
jai'ngae'qque poi
cansian j incho'choi'ccu

injancco'fa'choma
injan'jeñe. Tsama
attepa qui in'jan'faya
Ña va ande'sui'ccu
injancco'fa'choma.




Nane ña
mandasi unjimba
jangisi uttufasima
attepa gi Ña
que'i'ccu, poi cansian
jincho'choi'ccu fae'ngae

injancco'fa'choma
injan'jeña. Ccatsse
tsu na'enjan ccase
andema piccoya'bi
poi cansian
jincho'choma
fi'ttiye.



Chigaja Noé, tise
dutssiyendecuma' qque
ñotsse tsoñe in' jamba qquen
su: "Pa'cco andeni japa
can' jemba atapa' faja."



"Noé dutssiyendeccu
tisei'ccu tsa'o shavo'ye
sombo'chondeccu tsu Sem, Cam,
toya'caen Jafet. Camjan Canaán
quitsa tsu. Tsa tres Noé
dutssiyendeccupa tise'pa
omba'su



dutssiyendeccui'ccu tsu
pa'cco andenga atapa'fa."



Nane Chigaja va andeni'su a'ima
tsain'bitsse in'jamba Tise
Dutssi'ye fae'ccoama a'inga
afemoen cuintsu poi'yi'cco majan
tise've in'jan'chota catiyembe'yi
Chigai'ccu tsangae
canse'faye.



Romanos 3:23

Nane poiya'cco tsu egae tsincon'fa. Chiga ñotsse
in'jan'chove nafattumbipa poiya'cco tsu shacapa'fa.

Romanos 6:23

Majan egae tsincon'ninda Chigaja tsangae paya'choi'ccu
afepoeña. Tsa'ma majan Jesucristoma tisu na'suve
in'jan'ninda Chigaja tisenga afeya cuintsu
tsangae canseye.

Hebreo'su 9:27

Nane poiya'cco a'i tsu fae seyi pa'faya'cho. Tsa'caen
pasi tsu Chigaja Tise'pa canseite tsincon'chone afaya.



Efeso'su 2:8,9

Tisuyi qui ccushaye osha'fambi. Tsa'ma Chigave
in'jansi Tiseja que'ima in'jamba ccushaen tsangae
canse'faya'chove. Nane Chiga aquia afe'cho
tsu. Tsa'cansi semamba qui ccushaye
osha'fambi patsuye afasa'ne.

Romanos 10:9,10

Que'i aya'fai'ccu: "Jesúsja ña na'su" qquen supa tisu
injama'choi'ccu "Chigaja Jesúsma pa'chondeccu'ye
qquendyaen" qquen in'jan'da qui ccusha'faya.
Nane injama'choi'ccu in'jaña'cho cuintsu Chigaja suye:
"Queja ño'a." Toya'caen tisu aya'fai'ccu Jesúsve
in'jan'choma condaseya'cho cuintsu
Chiga que'ima ccushaeñe.



Juan 3:16,17

Nane Chigaja va andeni'su a'ima tsain'bitsse in'jamba
Tise Dutssi'ye fae'ccoama a'inga afemoen cuintsu
poiye'cco majan tise've in'jan'chota catiyembe'yi
Chigai'ccu tsangae canse'faye.

Nane Chigaja Tise Dutssi'yema moembi cuintsu a'i
injama'choma somboeñe. Tsa'ma poiye'cco a'ima
ccushaeñe tsu tisema moen.

1 Juan 5:11-13

Qquen tsu ñoa'me Chiga su'cho: Chigaja tayo inginga
antte tsangae canseye. Tise Dutssi'ye tsu cansian'su.

Majan Chiga Dutssi'yeye in'jan'cho tsu tsangae
canse'fa. Tsa'ma majan Chiga Dutssi'yeye
in'jambi'choa'ta canse'fambi. Que'i Chiga Dutssi'yeye
in'jan'fasi gi que'inga qquen tevaen que'i tisupa
Cristoi'ccu tsangae canse'fa'choma atesu'faye.



Génesis 6 - 10

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Cofán Bible (con) © 1998, Wycliffe Bible Translators,
Inc. All rights reserved.

<https://live.bible.is/bible/CONWBT/MAT/1>

©2026 Bible for Children, Inc.

www.M1914.org

www.bibleforchildren.org

